

正

新刊權文公文集序

夫物常聚於所好也故葉公好龍
天龍聞而下之穆王好仙王母降
於瑤池况文章為天地間公器顧
有好之而弗得者乎昔歐陽公好
古碑刻人咸不憚數千仞之險數
千里之遙購而致之觀諸集古錄

為可徵已唐權公載之為天水人
相憲宗黼黻潤色彬彬可稱可泉
胡公以其為鄉先達嘗景仰愛慕
思欲誦其詩讀其書皇皇焉求之
罔置在翰苑時每與升菴楊公論
及升菴好學慕古猶夫可泉也故
遂識之心而恒訪之人經今三十

稔矣始於滇南士人家偶獲是集
重之不啻九鼎太呂惜其目錄與
詩賦十卷僅存其他作四十卷并
自纂制集五十卷俱各散失莫知
所在升菴托余轉寄可泉余意以
此貽可泉固足以償其平生愿見
之懷恐其所未覩者將遂湮沒沈

鬱終不可得不如梓而行之有是
書者庶或見之將不遠千里欣欣
然來相告矣寧不為可冀乎若夫
權公人品之光明勲業之弘遠儒
術之純正詞翰之邃古載在國史
及楊公嗣復之序茲弗容贅書此
數語蓋以見二公嗜好之篤且以

為權公全集之圖也序云乎哉
嘉靖二十年歲在辛丑夏五月吉
旦東阜劉大謨書

鬱終不可得不如梓而行之有是
書者庶或見之將不遠千里欣欣
然來相告矣寧不為可冀乎若夫
權公人品之光明勲業之弘遠儒
術之純正詞翰之邃古載在國史
及楊公嗣復之序茲弗容贅書此
數語蓋以見二公嗜好之篤且以
為權公全集之四也序云乎哉
嘉靖二十年歲在辛丑夏五月吉
旦東阜劉大謨書

權文公文集序

銀青光祿大夫充集賢殿大學士楊嗣復撰

唐有天下二百二十載用文章顯於時代有其人然而自成童就傳以及考終命解巾筮仕以及鈞衡師保造次必於是視聽必於是文采皆正色而無駁雜調韻皆正聲而無竒邪滔滔如江河東注不知其極而又處命書綸綍之任專考覈品藻之柄參化成輔翊之勲初中終全而有之得之於相國文公矣公諱德輿字載之天



水人也族望祖宗之遠當官行己之道語在國史銘於壙而碑於途此不敢詳今所載者因緣文業而已早歲為淮南江西從事掾管記室之任屬詞詣理奏入而報可移文走檄疆事迎解登朝為起居舍人改駕部員外郎換司勳郎中遷中書舍人凡四任九年專掌詔誥大則發德音修典冊洒朝廷之利澤增盛德之形容小則褒才能敘官業區分流品申明沮勸無誕副無巧語誠直溫潤真王者之言公昔自纂錄為制

集五十卷託於友人湖南觀察使楊公憑為之序故今不在編次之內其他千名萬狀隨意所屬牢籠今古窮極微細周流於親愛情理之間磅礪於勲賢久大之業不為利疚不以菲廢本乎道以行乎文故能獨步當時人人心服非以德爵齒挾而致之貞元中奉詔考定賢良草澤之士升名者十七人及為禮部侍郎擢進士第七十有二鸞鳳杞梓舉集其門登輔相之位者前後十人其他征鎮岳牧文昌掖垣之選不可

悉數方且繼居重任者猶森然非精識洞鑒鑒其詞而知其人何以臻此邪憲宗皇帝紹開中興始初英明申戚提法武功既愈文教是圖元和五年冬執政暴疾既瘖且痺未旬日而公作相憲章儒術潤色王度使和聲順氣發自廊廟而鬯浹於幽遐我之所長時以推戴玉立冰潔無緇磷遷察之譏以文德自終豈徒然哉嗣復不佞發跡門館儀曹台席皆忝前躅公之元子中書舍人璩不幸短命其嗣憲孫泣奉文集求

序
鄙文以冠篇首雖觀於巨海難挹於波濤而藉用白茅所資誠敬其五十卷次第具在集目謹

權文公文集目錄

權德輿載之

第一卷

詩賦

傷馴鳥賦

洞庭春滔滿賦

行舟逗遠樹賦

賜百寮追賞詩

九日言懷

重陽日言志

麟德殿觀新樂

中和節賜宴

重陽日即事

豐年多慶

迎武舞樂章

讀毅梁傳二首

劉紹相訪

卧病喜人見訪

多病戲書

古興

感遇

跌傷謝勸釀酒

苦熱

覽鏡見白頭

曉坐

竹遶偶作

過咸陽野

南亭即事

璩授京兆參軍

醉後

書紳

侍從遊後湖讌望

晨坐遇興

郊居歲暮

暮春閑居

月夜詠詩

崔侍御相訪

夏雨率成

夜坐道舊

自咎

田家即事

寓興

浩歌

與道者同守庚申

苦貧戲題

獨酌

知非

誠言

第二卷

詩

和李相公早朝 于司空郊居

和城南郊居 韋曲莊言懷

王侍郎領度支 和李侍郎早朝

和劉侍郎伐叛 和劉大夫麥秋出師

酬鄭尚書新詩 和許閣老見寄

和省中書懷 張監宅對酒

直夜思聞雅琴 和李尚書東亭

和殷員外直夜 酬陸叅浙東見寄

酬張監過中書 酬鄭員外賀正除

和韋卿假山 和崔評事見寄

殷郎中至南宮 酬南仲見示

酬崔千牛早秋 酬靈徹上人見寄

酬蔡博士見寄 戲和三韻

贈李韶州 酬崔四郎惠蜀琴

酬馮絳州見寄 酬趙尚書見寄

酬趙尚書看花

第三卷

詩

和喜慶感懷

酬二十二兄見寄

酬陸楚源對月

酬穆侍御感懷

題鄭評事江樓

春遊茅山

和韓侍御白髮

和邵端公醉後

感漲曲江

喜戴負外無事

答韋秀才

寄贈王曹長

貢院對雪

初秋中書宿直

代書答唐開州

待漏假寐夢舊居

祇命赴京書懷

省中憶江南舊居

寄李衡州

寄崔穉璋

詩問李韶州

贈虛公

郴州換印

泛富春江

寄侍御從舅

湖上晚眺

新秋月夜

丹陽初遂閑居

過靈徹上人房

戲贈張鍊師

戲贈天竺寺主

贈廣通上人

贈老將

戲贈崔表兄

第四

詩

戲贈蘇九

第四卷

詩

送韋起居老舅

送孔十兄賓客

送密秀才歸蜀

送袁中丞持節兩南詔

送房侍御歸越

送張中丞用弔回鶻

送二十叔赴任

送十四叔赴渝州

送韋大赴襄城

送薛文賦得春草

十九兄歸江東

送張詹事致政歸嵩山

送許著作

送少清赴潤州參軍

送十兄赴黔中

送張僕射歸鎮

韋負外赴河陽

送韋中丞奉使新羅

送從公赴任

送從弟廣東歸

送王練師

送薛溫州

送黔中裴中丞

送崔諭德致政東歸

三十叔赴晉陵

送裴都護

送別浣汎

送張曹長奉使西蕃

餞崔判官

送文暢上人東遊

送范司空

送杜中丞赴任

送殷卿歸淮南

第五卷

詩

送杜尹赴東都

送孔江洲

送渾鄧州

陳侍御夜宴敘別

送蔡十二

與丁山人別

送崔錄事

送劉少府

送李城門

送上虞丞

送盧評事省親

送崔端公入京

送張周二秀才

送張將軍歸舊業

送王少府

送從弟歸義興

送梁道士

送鄭秀才

送謝孝廉

送韓孝廉

送陸拾遺

送映師本寺

送宇文少府

送溫錄事

送山人

惠上人房宴別

送裴秀才

送袁太祝

送李侍御

送穆侍御

送崔端公

送陸太祝赴湖南

送李處士

送清汶上人

送別同用閣字

送人使之江陵

別張侍御

送崔秀才歸白田

送張評事覲省

逢久別者

贈別表兄常卿

古離別

第六卷

詩

青龍寺憑眺

朝拜昭陵

酬張秘監清辭

酬馮監遇雨見示

攝職南郊即事

和張監酒八陵院

和鄭相公扈從

詹事府宿齋絕句

和王祭酒見寄

酬裴端公中秋對月

和崔閣老城外遊

和張秘監過蔣拾遺

酬崔舍人宿直

瑤臺寺對月

夏至日作

社日有懷

元日呈鄭侍御

七夕

九日寄丹陽親 九日北樓宴集

九日龍沙宴會 臘日龍沙會絕句

嚴陵釣臺下作 曉發武陽館

豐城劔池驛感題 奉使遇風雨作

細柳驛 渭水

宮人斜絕句 敷水驛

朝元閣 石甕寺

盤豆驛 渡揚子江寄親故

新安江路 月夜江行

江城夜泊 陪包諫議舉帆

富陽陸路 召塘路有懷

玉山嶺上作 舟行夜泊

曉發桐廬 夜帆臨平湖

次滕老莊 曉

晝 晚

夜 宿嚴陵灘

第七卷

詩

和常諫議送家兄 和張閣老美許兄弟

與諸博士宴集 喜太常中書同日遷官

賀國子柳博士 過隱者居

從叔宅薔薇花開 慈恩寺看花

陳閣老看木瓜花 同遊昊天觀

過王尚書林園 與沈拾遺遊棲霞寺

棲霞寺雲居室 天竺寺

題邵端叔林亭 題隱者所居

題崔山人草堂 徐孺亭馬上口號

哭劉四尚書 張工部轎車

工部發引傷足 過亡友楊校書廳

哭李晦群 觀葬者

成南陽臺 周平西墓

蘇小小墓 題柳郎中故居

哭張十八 題亡友舊居

第八卷

歌詞

德宗挽詞三首 順宗挽歌詞三首

昭德皇后挽詞 太行皇后挽歌詞三首

惠昭皇太子挽詞二首

文敬太子挽詞二首

莊穆公主挽歌二首

憲穆公主挽詞二首

惠康公主挽詞二首

西平王挽詞 北平郡王挽詞

和李尚書竹亭歌 和張僕射朝天行

清上人院牡丹花歌 錫杖歌

馬秀才草書歌 離合詩

酬轉韻離合見贈 同前崔汾和

同前楊於陵和 同前許孟容和

同前馮伉和 同前潘子孟容和

同前武少儀和 春日雪

酬張薦 又酬張薦

五雜俎 數名詩

星名詩 卦名詩

藥名詩 古人名詩

州名詩

八音詩

建除詩

六府詩

三婦詩

安語

危語

大言

小語

第九卷

詩

雜詩五首

廣陵詩

古意

春日戲題十首并序

相思曲

古樂府

渡秋江怨

秋閨月

薄命篇

放歌行

旅館雪晴新月

玉臺體

贈友人

舟行見月

雜興五首

第十卷

詩

以詩代書寄內

夜泊有懷

蘭溪有寄

相思樹

石楠樹

斗子灘

黃蘗館

清明日次弋陽

中書夜直

病中遇直

禮部宿齋有貺

酬九日

和九日遊

上巳日赴被禊之會二紀

見懷貢院

桃源篇

聽琴舉酒

七夕

同興慶宮即事

同蒙恩封成紀縣伯

崔尹寫告身

奉使豐陵

南園宴會

題諸孫乞巧文

太常寺宿齋

朝回閱樂

中書宿齋

中書送敕賜齋饌

敕賜長壽酒

冬至日宿齋郡君朝謁

發峽石路上

西岳廟祝謁

第十一卷

碑銘

岐國公杜公淮南遺愛碑銘

貞武張公遺愛碑銘

第十二卷

碑銘

南川郡王劉公紀功碑銘

李公遺愛碑銘 韋公先廟碑銘

于公先廟碑銘 薛公先廟碑銘

第十三卷

碑銘

渾公神道碑銘 趙公神道碑銘

杜公神道碑銘 盧公神道碑銘

第十四卷

齊成公神道碑銘 姚公神道碑銘

王公神道碑銘

第十五卷

碑銘

董公神道碑銘 劉公神道碑銘

嚴公神道碑銘

第十六卷

碑銘

淮陰縣令王府君神道碑銘

伏陸縣令王府君神道碑銘

絳州刺史李公神道碑銘

第十七卷

碑銘

裴公神道碑銘 武公神道碑銘

伊公神道碑銘 崔公神道碑銘

王公神道碑銘

第十八卷

碑銘

裴府君神道碑銘 河間君神道碑銘

孫公神道碑銘 谷氏神道碑銘

百崑禪師碑銘 三洞法師吳先生碑銘

第十九卷

行狀

馬太傅行狀

第二十卷

行狀

盧公行狀

韓公行狀

第二十一卷

墓誌銘

劉公墓誌銘

張公墓誌銘

嚴公墓誌銘

第二十二卷

墓誌銘

賈公墓誌銘

杜公墓誌銘

禮部尚書張公墓誌銘

右僕射李公墓誌銘

第二十三卷

墓誌銘

太常卿韋公墓誌銘

朝儀大夫韋君墓誌銘

太中大夫羅公墓誌銘

祕書少監周君墓誌銘

衛尉少卿裴君墓誌銘

太子太保徐公墓誌銘

第二十四卷

墓誌銘

太子少保徐公墓誌銘并序

禮部尚書王公改葬墓誌銘

容州刺史戴公墓誌銘并序

饒州刺史崔君墓誌銘并序

歙州刺史陸君墓誌銘并序

司門員外郎仲君墓誌銘并序

第二十五卷

墓誌銘

權府君墓誌銘并序 李公墓誌銘并序

司農少卿李公墓誌銘并序

大理評事唐君墓誌銘并序

太原府司錄李府君墓誌銘并序

監察御史張府君墓誌銘并序

兵曹參軍蕭府君墓誌銘并序

丹陽縣丞盧君墓誌銘并序

第二十六卷

墓誌

王妣夫人楊氏祔葬墓誌銘并序

先公先太君靈表

獨孤氏亡女墓誌銘并序

殤孫進馬墓誌

叔父華州參軍府君墓誌銘并序

再從叔父鄆縣令府君墓誌銘并序

再從叔父咸陽縣丞府君墓誌銘并序

登封縣令權君墓誌銘并序

柳州刺史李君墓誌銘并序

長安主簿李君墓誌銘并序

建昌縣丞崔君墓誌銘并序

房州刺史崔公墓誌銘并序

第二十七卷

墓誌銘

崔公夫人柳氏祔葬墓誌銘并序

鄧國夫人谷氏墓誌銘并序

衛國夫人李氏墓誌銘并序

權公夫人張氏墓誌銘并序

王君夫人崔氏祔葬墓誌銘并序

許君夫人韋氏墓誌銘并序

比丘尼玄應墓誌銘并序

何君夫人盧氏墓誌銘并序

李公夫人盧氏墓誌銘并序

柳君夫人權氏墓誌銘并序

第二十八卷

銘贊

石門道一禪師塔銘并序

大律師多寶塔銘并序

三藏和尚影堂碣銘并序

契微和尚塔銘并序

興唐觀新鐘銘并序

世德銘

幾銘

歲星居心贊并序 二疎

賀監草書贊 無為先生贊

畫西方變贊 畫釋迦如來贊

繡阿彌陀佛贊并序

第二十九卷

謚議

德宗皇帝謚冊文 莊宗皇帝謚冊文勅撰

司空李公謚議 獨孤公謚議

昭陵寢宮奏議 祭岳鎮海瀆等奏議

獻懿二祖遷廟奏議

第三十卷

論議

兩漢辯亡論 答客問

酷吏傳議 世祖封不義侯議

志過 答問三章

醉說 釋疑

放言

第三十一卷

記

京兆少尹西廳壁記 祕書郎壁記

司門員外郎壁記

吏部員外郎南曹廳壁記

弘文館大學士壁記

司徒岐公杜城郊居記

太宗飛白書記

第三十二卷

記

宣州響山新亭新瑩記

黔州觀察使新廳記

開州刺史新宅記 洪州西山風雨池記

虛上人石帆山靈泉北塢記

許氏吳興溪亭記 草衣禪師宴坐記

第三十三卷

集序

常山文貞公崔公集序

贊皇文獻公李公文集序

博陵崔君文集序

兵部郎中楊君文集序

漳州刺史張君集序

宗元先生吳尊師集序

第三十四卷

集序

梓州刺史權公文集序

司徒張公集序 太子太保姚公集序

左諫議大夫韋君詩集序

左衛曹曹許君詩集序

第三十五卷

序

魏國公貞元十道錄序

韋君詩集序 崔侍郎詩集序

熊氏清風亭詩序

蕭侍御喜陸太祝移居詩序

第三十六卷

序

送張僕射歸徐州序

送袁中丞持節冊回鵲序

送張中丞持節冊弔新羅序

送常中丞使新羅序

送裴中丞赴黔中序

送安南裴中丞序

送仲貞外充選補使序

送殷貞外出守均州序

送陸使君赴任序

送許貞外出守郢州序

送建州趙使君序

送杜少尹赴東都序

送袁尚書赴襄陽序

第三十七卷

序

送韋起居歸嵩陽舊居序

送崔錄事赴官序

送崔諭德致仕東歸序

送薛將作分司東都序

送常十二丈赴任王屋序

送李判官赴黔中序

送李侍御赴成都序

送崔判官赴義武軍序

送李司功赴任序

送從叔赴任鄱陽序

送從兄南仲登科後歸序

送從兄立赴崑山主簿序

送再從弟少清赴潤州參軍序

送三從弟長孺擢第後歸序

第三十八卷

序

送三從弟况赴義興尉序

送袁少府赴官序

送劉秀才登科後覲省序

送前溧陽路丞序

送許協律赴西川序

送商州崔判官序
送鄭錄東遊序

送賈使君赴任序
送馬少府赴官序

送徐諮議東歸序 送李侍御赴嶺南序

送靈徹上人歸沃州序

送渾淪先生遊南岳序

送崔端公赴江陵序

送張校書歸湖南序

送從兄穎遊江西序

送從舅脉入京序

第三十九卷

序

送許校書赴江西使府序

重送許校書聯句序

送王仲舒序 送丘穎序

送常評事序 送馬正字序

送陸校書序 送鄭秀才序

送元中丞序 送王侍御序

秋夜讌會序 臘日讌集序

送張評事序 送盧判官序

送馬典設序 送丁少府序

送陳秀才序

送紐秀才序

送獨孤孝廉序

第四十卷

策問

進士策問五篇

明經春秋第一問

明經禮記第一問

明經周易第二問

明經尚書第二問

明經毛詩第二問

明經穀梁第二問

明經論語第三問

道舉第一問

道舉第二問

弘文生第三問

禮部策問十篇

左氏傳問二篇

禮記問二篇

周禮書二篇

周易問六篇

尚書問二篇

毛詩問二篇

穀梁傳問二篇

論詩問二篇

道舉問三篇

弘崇生問二篇

中書試進士策問兩道

第四十一卷

吏部試上書人策問三道

書

柳福州書

答柳福州書

與張祕監書

答書

字發

第四十二卷

書

與柳諫議書

與杜給事書

崔左司書

答崔左司書

賀崔相國書

與獨孤秀才書

答獨孤秀才書

答楊湖南書

第四十三卷

表

趙相公謝賜金石凌表

盧相公謝中書侍郎表

賈相公陳乞表

盧相公謝賜方藥三表

趙相公謝平章事表

盧相公陳乞兩表

盧相公謝授賓客表 賈相公陳乞表

鄭相公讓中書侍郎表

崔相公謝門下侍郎表

賈相公謝賜馬等表

齊相公讓修國史表

齊相公進所賜馬表

賈相公陳乞六表

第四十四卷

表

賀破吐蕃表 賀元誼出洛州城表

賀擒送李迺表 賀靈武大破吐蕃表

賀破賊三表 賀雪三表

賀雨三表 謝放朝參表

賀減膳降雨表 賀德音賑給表

賀八陵修畢表 賀白鸕鷀表

賀黃河清表 賀獲白兔表

賀獲白鹿表 賀獲白山鵲等表

賀嘉禾合穗表 賀連理棠樹表

賀甘露表

賀瑞蓮花表

第四十五卷

表狀

謝御製賜百官追賞詩狀

和御製賜百官追賞詩狀

謝御製九日言懷賜詩狀

和聖製九日言懷詩狀

謝聖製重陽日中外同歡賜詩狀

和聖製重陽日中外同歡詩狀

賀新製中和樂狀

和聖製觀新樂詩狀

勅批

謝御製賜百官宴集示詩狀

和聖製賜百官宴集詩狀

謝聖製重陽日即事詩狀

和聖製重陽日即事詩狀

賀建康郡王誕皇曾孫狀

賀南詔授冊禮畢表

賀幽州大破奚虜狀

賀三教論議狀

奉韋臯奏南詔奏聖樂章表

賀雅州大破蕃寇狀

第四十六卷

表狀

謝恩賜馬等狀

謝批荅狀

謝知門下事狀

謝祔廟狀

謝追贈狀

進詩狀

謝借飛龍馬狀

留守謝上表

太常博士舉人自代狀

右補闕舉人自代狀

起居舍人舉人自代狀

平章事舉人自代狀

賀除于頔太子賓客表

謝停賜口臘表

謝端午賜衣表

請置防禦軍表

謝吳少陽起復表

謝賜錢狀

奏孝子劉敦儒狀

謝賜冬衣表

請加置留鎮兵表

將士賀置狀

請加置兵衣糧狀

裴次元充東都副留守狀

謹移義成軍人鎮陽翟狀

謝除太常卿表 應緣遷奉狀

第四十七卷

疏

論水灾上疏

論度支上疏

請置兩省官表

淮西招討事宜

徐州事宜表

許孟容論齊揔授官事

論旱灾表

昭義軍事宜

恒州招討事宜

山東行營條件

第四十八卷

祭文

祭包監文

祭韓祭酒文

祭盧華州文

祭崔侍郎文

祭梁補闕文

祭唐舍人文

祭李祭酒文

祭薛殿中文

祭柳郎中文 祭李元易文

祭李處士文

第四十九卷

祭文

祭獨孤常州文 祭獨孤台州文

祭賈魏公文 祭張工部文

祭杜岐公文 祭徐給事文

祭奚吏部文 祭呂給事文

第五十卷

祭文

祭貞外叔父文 祭相國安平公文

祭河東縣君文 祭崔丞文

祭崔使君文 祭楊校書文

祭崔士曹文 祭楊校書夫人文

祭唐評事文 告王考禮部文

祭王比楊氏文 告先公貞孝文

祭獨孤少監文 祭孫男法延師文

祭外孫女文

權文公文集目錄終

新刊權文公文集卷第一

賦詩

傷馴鳥賦

紛兩族之多端兮同翮飛而類殊有鸚鵡之微
禽亦播質於洪鑪因稚子之嬉遊得中園之墜
雛恣飲啄以馴擾來目前與座隅尔乃棲以籠
檻斂其羽翼留軒所以為娛俾遐翫之無力乍
踉蹌而將舉顧離襪而復息雖主人之見容終
使喪天和於自得或親賓至止徽軫徐觸每聞

絃而鼓翼亦逗節而翹足吭宛轉以成態聲間
關而助曲乍寂寞以閑暇若凝情於相矚理輕
毳以自潔類山玄之佩玉每翔集以安卑同君
子之自牧思謝尚之起舞邁風流之逸躅苟魯
昭之不君固乾侯之出辱方渡濟以申傲伊涼
德之自覆徵故老之相傳驗曩記之或存在端
午之司辰剪其舌而能言巧喉轉以達情順人
心而不諉方渴日以呈材願朱明之駿奔忽愀
愴以顛顛響哀音於簾箔竟啁啾而不去若個

翔之有託悅心訝而未辯欬狸狴之攫搏俄斃
踣而不勝紛血灑以毛落彼葛廬與治長通鳥
獸之音聲闕君子之周防無古人之至精既不
能縱尔於遼廓又不能遂尔之生成使異類之
得志曾未極其飛鳴則本夫養之之惠道所以
害其生生又憶夫清江之使者東海之波神苟
其時之不来則剗腸而涸鱗鸚鐘鼓而反悲馬
皂棧而多死雖為遇之已甚固又天其天理嘗
聞乎聖賢之理物也愚智殊方薰猶異藏善用

無棄兮牙見其長各有攸處兮兩不相傷官天
地而府萬物繇此道而為常吾既悞斯理之不
早因失之而後防牧視聽以冥觀兮遂群性之
茫茫

洞庭春溜滿賦 送陸灝赴荊州

湖渺渺兮蕩東風以發春春溜滿兮連滄綠以
無垠接遠色於青草散晴輝於白蘋及夫反照
安流煙花明麗霞生水底鳥沒空際聽擢謳之
四起見片帆之遠逝杳空曠以澄鮮窮千里於
一睇若乃路轉淞陽波連沅湘杜蘅秀兮蕙若
芳寫雲翠兮沉夕陽月明露下靄蒼蒼結遐想
於騷人兮悄目極以心傷婉婉長離翩翩綵鷁
遠泛桃花之浪去從蓮府之辟雲兮水兮指前
程於空碧

行舟逗遠樹賦 送嚴暮赴東陽

有美一人兮桂為楫蘭為舟逗遠樹之晴影泛
春江之碧流乍迷雲葉稍映蘋洲凝暮色於愁
睇空藹藹以悠悠的的輕帆亭亭遠質喜揚舲

之漸近嗟轉岸而還失映微波以葱蒨貯嵐翠
之蒙密愴南浦之別離占橫塘之風日柳怨別
兮楓傷春望不辯兮愁殺人空江邊兮遠郊外
紛離緒兮相對顰標落照以微明暮夕烟而又
晦波茫茫兮景沉沉思結纜於清陰惜歸舟之
不駐傷遠日以軼離心

奉和聖製九月十八日賜百寮追賞因

書所懷

錫宴朝野洽追歡堯舜情秋堂絲管動水榭烟
霞生黃花媚新霽碧樹含餘清同和六律應交
泰萬寓平春藻下中天湛恩闡文明小臣諒何
以亦此影華纓

奉和聖製九日言懷賜中書門下及百寮

令節在豐歲皇情喜人安絲竹調六律簪裾列
千官烟霜暮景清水木秋光寒筵開曲池上望
盡終南端天文麗慶霄墨妙驚飛鸞願言黃花
酒永奉今日歡

奉和聖製重陽日中外同歡以詩言志

因示百寮

玉醴宴嘉節拜恩歡有餘煌煌菊花秀馥馥更
房舒白露秋稼熟清風天籟虛和聲度簫韶瑞
氣深儲胥百辟皆醉止萬方今宴如宸衷在化
成藻思

瓊琚微臣徒竊抃豈足歌唐虞

奉和聖製中春麟德殿會百寮觀新樂
仲春藹芳景內廷宴群臣森森列千戚濟濟趨
鈞陳大樂本天地中和序人倫正聲邁咸護易
象含義文玉俎映朝服金鈿明舞茵韶光雪初
霽聖藻風自薰時泰恩澤溥功成行綴新賡歌
仰昭回竊比華封人

奉和聖製中和節賜百官宴集因示所
懷

萬方慶嘉節宴喜皇澤均曉開萱葉初景麗星
鳥春藻思貞百度著明並三辰物情舒在陽時
令弘至仁衢酒和樂被薰絃聲曲新賡歌武弁
側永荷玄化醇

奉和聖製重陽日即事六韻

嘉節在陽數至歡朝野同恩隨千鍾洽慶屬五稼豐時菊洗露華秋池涵霽空金絲響仙樂劔馬羅宗公天道光下濟睿詞敷大中多慙擊壤曲何以答堯聰

奉和聖製豐年多慶九日示懷

寒露應秋杪清光澄曙空澤均行葦厚年慶華黍豐聲明暢八表宴喜陶九功文麗日月合樂和天地同聖言在推誠臣職惟匪躬瑣細何以報飛淳化中

贈文敬太子廟時享退文舞迎武舞樂

章

千旄羽籥相虧蔽一進一退殊行綴昔獻三雍盛禮容今陳六佾崇儀制

讀穀梁傳二首

荀寅士吉射誠乃蔽聰明奈何趙志父專舉晉陽兵下令漢七國借此以為名吾嘉徙薪智禍亂何由生憶昔溴梁會豈伊無諸侯群臣自盟軟君政如贅旒有力則宗楚何人復尊周空文

徒尔賤見此 血流

劉紹相訪夜話因書即事

故人愴久別茲夕款郊扉山僮漉野醞穉子褰
書帷清露泫珠瑩金波流玉徽忘言我造適瞪
視君無遠但令靜勝躁自使癯者肥不待遽生
年從此知昔非

臥病喜惠上人李鍊師茅處士見訪因

以贈

沉痾結繁慮臥見書窓曙方外三賢入惠然來

相親整巾起曳策喜非車馬客支郎有佳文新
句凌碧雲霓裳何飄飄浩志凌紫氛復有沉冥
士遠係三茅君各言麋鹿性不與簪組羣清言
出象繫曠跡逃玄纁心源暫澄寂世故方糾紛
終當逐師輩巖桂香氤芬

多病戲書因示長孺

行年未四十已覺百病生服眩飛蠅影耳厭遠
蟬聲甘辛敗六藏冰炭交七情唯思曲肱枕搔
首擲華纓

古興

月中有桂樹無翼難上天海底有龍珠下隔萬丈淵人生大限雖百歲就中三十稱一世晦明烏兔相推遷雪霜漸到雙鬢邊沉憂戚戚多浩歎不得如意居太半一氣暫聚常恐散黃河清兮白石爛

感寓

殘雨倦歌枕病中時序分秋虫與秋葉一夜隔窓聞虛空對搖落晤言無與群真心試觀化世故如絲棼但看鳶戾天豈見山出雲下里徒擊節朱絃秘南薰梧桐秀朝陽上有威鳳文終待九成奏來儀瑞吾君

跌傷伏枕有勸釀酒者暫忘所苦因有

一絕

一杯宜病士四體委床暫得遺形處陶然在

醉鄉

病中苦熱

三伏鼓洪爐支離一病夫倦眠身似火渴飲汗

如珠悸之心難定沉煩氣欲無何時洒微雨因
與好風俱

覽鏡見白鬚數莖光鮮特異

秋來皎潔白鬚光試脫朝簪學酒狂一曲酣歌
還自樂兒孫嬉笑挽衣裳

南亭曉坐因以示璩

隱几日無事風交松桂枝園廬含曉霽草木發
華姿跡似南山隱官從小宰移萬殊同野馬方
寸即靈龜弱質常多病流年近始衰圖書傳授

處家有一男兒

竹逕偶然作

退朝此休沐閉戶無塵氛杖策入幽逕清風隨
此君琴觴恣偃傲蘭蕙相氛氲幽賞方自適林
西烟景曛

拜昭陵過咸陽墅

李子之二頃楊雄才一墨伊予此南畝數已踰
前賢頃歲辱明命銘勳鏤貞堅遂茲操書致內
顧增缺然乃葺場圃事迨今三四年適因昭陵

拜得抵咸陽田田夫競致辭鄉耆爭來前林盤
既羅列雞黍皆珍鮮古稱祿代耕人以食為天
自慙廩給厚諒使井稅先塗塗溝塍霧漠漠桑
柘烟荒蹊沒古木精舍臨秋泉池籠豈所安樵
牧乃所便終當解纓絡田里諧因緣

早春南亭即事

虛齋坐清晝梅坼柳條鮮節候開新曆筋骸減
故年振衣慙艾綬闕鏡嘆華顛獨有開懷處孫
孩戲目前

璩授京兆府參軍戲書以示兼呈獨孤

郎

見爾府中趨初官足慰吾老牛還舐犢凡鳥亦
將雛喜至翻成感癡來或欲殊因慙王潤客應
笑此非夫

書紳詩

和靜有真質斯人稱最靈感物惑天性觸里紛
多名禍機生隱微智者鑒未形敗禮因近習詰
人自居貞當今念慮端鄙嫚不能萌苟非不踰

矩焉得遂性情謹之在事初動用各有程千里
起步武彗雲自織莖心源一流放駭浪奔長鯨
淵木苟端深枝流則貞清和理通性術悠久方
昭明光師留中庸可以導此生

侍從遊後湖讌望

絕境殊不遠湖塘直吾廬煙霞旦夕生泛覽誠
可娛慈顏俯見喻輟爾詩與書清旭理輕舟嬉
遊散煩劬宿雨蕩殘燠惠風與之俱心靈一開
曠機巧眇已踈中流有荷花花實相芬敷田田

綠葉映艷艷紅姿舒繁香好風結淨質清露濡
丹霞無容輝嫋色亦踟躕穠芳射水木欹葉游
龜魚化工若有情生植皆不如輕舟任泝沂畢
景乃躊躇家人亦括曠雅齒皆忻愉素絃激淒
清旨酒盈罇壺壽觴既頻獻樂極隨歌呼圓月
初出海澄輝來滿湖清光照酒酣頰傾百慮無
以茲心目暢敵彼名利途輕肥何為者漿藿自
有餘願銷區中累保此湖上居無用誠自適年
年翫芙蓉

晨坐寓興

清晨坐虛齋群動寂未諠泊然一室內因見萬
化源得喪心既齊清淨教益敦境來每自愜理
勝或不言亭柯見榮枯止水知清渾悠悠世上
人此理法難論

郊居歲暮因書所懷

養拙方去諠深居絕人事返耕忘帝力樂道踈
代累脩然衡茅下便有江海意寧知肉食尊自
學儒衣貴煙霜當暮節水石多幽致三徑日閑

脩

景

安千峰對深邃策犁出村渡岸幘尋古寺月魄
清夜琴猿聲警朝寐地偏芝桂長境勝烟霞異
獨馬帶晴光踈篁淨寒翠窓前風葉下枕上溪
雲至散髮對農書齋心看道記清言覈名理開
卷窮精義求譽觀朵頤危身陷芳餌紛吾守孤
直世業常恐墜就學緝韋編銘心對敬器元和
暢萬物動植咸使遂素履期不渝永懷丘中志

暮春閑居示同志

避諠非傲世幽興樂郊園好古每開卷居貧常

閉門曙鍾來古寺旭日上西軒稍與清境會
無塵事煩靜看雲起滅閑望鳥飛翻乍問山僧
偈時聽漁父言體羸諳藥性事簡見心源冠帶
驚年長詩書喜道存小池泉脉湊危棟燕雛喧
風入松陰靜花添竹影繁灌園輸井稅學稼奉
晨昏此外知何有怡然向一罇

秋疾初愈月夜詠左思招隱詩因而成

詠

閑吟理輕步不厭涼夜永斷續風際聲清羸月
中影螢光拂花露泉脉連桐井心暢百慮銷境
閑萬籟靜前賢有遺韻顧我三日省朗懷方自
怡星河漸耿耿

臥病初愈崔侍御相訪

移疾門常掩今朝枉繡衣笑言心乍愜拜伏力
猶微晚歲貞筠少貧家上客稀如何忽相訪里
巷有清輝

夏雨率成呈邑中諸公

片雲飛暮雨蕭洒小亭閑細響踈無裏微涼坐

林華之文集卷一
十一
臥間已深池際水更綠枕前山未敢勞車馬柴
扉且閉關

與故人夜坐道舊

笑語歡今昔烟霞愴昔遊清羸還對月遲暮更
逢秋勝理方自得浮名不在求終當製初服相
與臥林丘

自咎

自咎咎何窮飄然華戶中清時名未立稔歲室
猶空幽獨慙芳桂飛鳴羨早鴻
何所見歎

息向秋風

田家即事

閑臥藜床對落暉倏然便覺世情非漠漠稻花
資旅食青青荷葉製儒衣山僧相訪期中餽漁
父同遊或夜歸待學尚平婚嫁畢渚煙溪月共
忘機

寓興

弱冠無所就百憂鍾一身世德既顛墜素懷亦
埋淪風煙隔嵩丘羸疾滯漳濱昭代未通籍豐

年猶食貧敢求庖有魚但慮甌生塵俛首愧僮
僕蹇步羞親賓豈伊當途者一一由中人已矣
勿復言吾將問秋旻

浩歌

杖策出蓬華浩歌秋興長北風吹荷衣蕭颯景
氣涼通達抵山郭里巷連湖光孤雲淨遠峯綠
水溢方塘魚鳥樂天性雜英互芬芳我心獨何
為萬慮縈中腸履道身未泰主家謀不藏心為
世教牽跡寄翰墨場出處兩未定羈羸空自傷
沉憂不可裁佇立河之梁晚歸茅簷下左右陳
壺觴獨酌復長謠放心遊八荒得喪同一域是
非亦何常胡為苦此生矻矻徒自強乃知杯中
物可使憂患忘因茲謝時輩杻息無何鄉

與道者同守庚申

洞真善救世守夜看僊經俾我外持內當茲申
配庚齋心已恬愉澡身自澂明沉沉簾幃下靄
靄燈燭清四支動用息一室虛白生收視忘趣
捨叩齒集神靈伊予嗜欲寡居常痾恙輕三尸

既伏竄九藏乃和平無令耳目勝則使性命傾
窅然深夜中若與元氣并釋宗稱定惠儒師著
誠明派分示三教理詣無二名吉祥能止止委
順則生生視履苟無咎天祐期永貞應物智不
勞虛中理自冥豈資資金丹術即此駐顏齡

丙寅歲苦貧戲題

清朝起藜床雪霜對枯籬家人來告予今日無
晨炊醴醢一已整薪炭固難期厚生彼何人工
拙各異宜間歲從使檄親賓苦川馳雖非悖而

入與出常相隨吳門與南畝頗亦持鋌基有時
遇豐年歲計猶不支顏淵諒賢人陋巷能自怡
中憶裴子野泰然傾薄糜愧非古人心戚戚愁
朝飢近古猶不及太上那可希柰何時風扇使
我正性衰巧智競憂勞展轉生澆漓吾觀黃金
印未勝青松枝粗令有魚菽豈復求輕肥顧慙
主家拙甘使群下嗤如何致一杯醉後無所知

獨酌

獨酌復獨酌滿盞流霞色身外皆虛名酒中有

企德風清與月朗對此情何極

知非

名教自可樂搢紳貴行道何必學狂歌深山對
豐草

誠言

言之或未行前哲所不取方寸雖浩然因之三
緘口

醉後

美祿與賢人相逢自可親願將花柳月盡賞醉

鄉春

權文公文集卷之一

權文公文集卷之二

律詩

奉和李相公早朝於中書候傳點偶書
所懷奉呈門下相公中書相公

五更鐘漏歇千門
扃鑰開紫微
殘月下黃道
曉光來辯色
趨中禁
分班列
上台祥煙初繚繞
威鳳正徘徊
斧藻歸全德
輪轅適衆材
化成風偃草
道合鼎調梅
渥命隨三接
皇恩暢九垓
嘉言造膝去
喜氣沃心迴
東閣延多士
南山賦有臺

陽春那敢和空此詠康哉

奉和于司空二十五丈新卜城南郊居
接司徒公別墅即事舊情奉獻兼呈
李裴相公

一德承昌運三公翊至尊雲龍諧理代魚水見
深恩別墅池塘曉晴郊草木蕃溝塍連杜曲芽
土盛于門卜築因登覽經邦每討論退朝鳴玉
會入室斷金言林援依東閣壺觴接後園逕深
雲自起風靜葉初翻宰物歸心匠虛中即化源

已人寧敢和空此媿遊藩

奉和新卜城南郊居得與衛右丞隣舍

因賦詩寄贈

上宰坐論道郊居仍里仁六符既昭晰萬象隨
陶鈞旭旦下玉墀鳴騶拂車茵軒窗退殘暑風
物迎蕭辰山澤昏雨出林塘魚鳥馴豈同求羊
逕共是羲皇人石君五曾重左戶三壤均居止
烟火接逢迎雞黍頻大方本無隅盛德必有隣
千年郢曲後復此聞陽春

奉和韋曲莊言懷貽東曲外族諸弟

韋曲冠蓋里鮮原鬱青葱公台睦中外墅舍隣
西東騶馭出國門晨曦正曛曩燕居平外土野
服參華蟲疆畝分古渠烟霞連灌漑長幼序以
齒歡言無不同憶昔全盛時鄭邠播休功代業
擴宇內光塵藹墟中慨息多永歎歌詩厚時風
小生忝瓜葛慕義斯無窮

和王侍郎病中領度支煩迫之餘過西

園書堂閑望

憑檻輟繁務晴光烟樹分中邦均禹貢上藥驗
桐君滿廷風轉蕙卷簾山出雲鏘然玉音發餘
興在新文

奉和度支李侍郎早朝

夙駕趨北闕曉星啓東方鳴騶分騎吏列燭散
康莊照灼華簪並逶迤綺陌長腰金初辯色噴
玉自生光獻替均三壤貞明集百祥下才叨接
武空此媿文昌

奉和劉侍郎司徒奉詔伐叛書情呈宰

相
玉帳元侯重黃樞上宰雄緣情詞律外宣力廟
謀中震耀恭天討嚴凝助歲功行看畫麟閣凜
凜有英風

奉和鄜州劉大夫麥秋出師遮虜有懷

中朝親故

天子愛全才故人雄外臺綠油登上將青綬亞
中台亭障鳴笳入風雲轉旆來蘭防分香香麥
墉望莓莓月向瑤弓滿蓮依寶劍開行師齊鶴

列錫馬蓋龍媒壯志徵梁甫嘉招萃楚材千尋
推直幹百鍊去纖埃間闊勞相望歡言幸早陪
每聯花下騎幾泛竹間杯芳訊雙魚遠流年兩
鬢催何時介圭覲携手詠康哉

太原鄭尚書遠寄新詩走筆酬贈因代

書賀

曉開閭闔出絲言共喜全才鎮北門職重油幢
推上畧榮兼革履見深恩昔歲經過同一仲登
朝並命慙無用曲臺分季奉齋祠直筆繫年陪

侍從芬芳雞舌向南宮伏奏丹墀跡又同公望
數承黃紙詔虛懷自號白雲翁戎裝躑躅紛出
祖金印煌煌寵司武時看介士閱犀渠每狎儒
生冠章甫晉祠汾水古并州千騎雙旌居上頭
新握兵符應感激遠緘詩句更風流緇衣諸侯
諒稱美白衣尚書何可比只今麟閣待丹青勞
力加飡報天子

奉和許閣老酬淮南崔十七端公見寄
文行蘊良圖聲華挹大巫掄才超粉署駁議在

黃樞自得環中辯偏推席上儒八音諧雅樂六
轡騁康衢密侍今鏘珮雄才本棄繻鑪烟霏瓊
闈宮漏滴銅壺舊友雙魚至新文六義敷斷金
揮麗藻比玉詠生芻交辟嘗推重單辭忽受誣
風波疲賈誼岐路泣楊朱溟漲前程險炎荒旅
夢孤空悲鷺跼水翻羨鴈銜蘆故國方迢遞羈
愁自鬱紆遠猷來象魏霈澤過番禺畫室扁舟
客還家萬里途索居因仕宦著論擬潛夫帆席
來應駛郊園半已蕪夕陽尋井迳涼吹動織枯

憶昔同駟傳忘懷或據梧幕庭依古剝緡稅給

中都瓜步經過慣龍沙眺聽殊春山嵐漠漠秋

緒露塗塗德與建中與元之間與崔同為益錫

輿受辟於江西廉堆從事楊子既濟寺貞元初德

崔又知度支院在焉孰謂原思病非關甯武愚

方看簪獬豸俄歎繫駒駟芳訊風情在佳期歲

序徂二賢歡最久三益義非無柏悅心應尔松

寒志不渝子將陪禁掖亭伯限江湖交分終推

轂離憂莫向隅分曹日相見延首憶田蘇

奉和李給事省中書情寄劉苗崔三曹

長因呈許陳二閣老

常寮幾處伏明光新詔聯翩夕拜郎五夜漏清

天欲曙萬年枝暖日初長分曹列侍登文石促

膝閑謔接羽觴共說漢朝榮上賞豈令三友滯

馮唐

過張監閣老宅對酒奉酬見贈其年停

里仁無外事徐步一開顏荆玉收難盡齊竿喜

暫閑秋風傾菊酒霽景下蓬山不用投車轄甘

從倒載還

奉和張舍人閣老閣中直夜思聞雅琴
因以書事通簡僚友

紫垣宿清夜藹藹復沉沉圓月衡漢淨好風松
滌深軒窓韻虛籟蘭雪懷幽音珠露銷暑氣玉
徽結遐心盛才本殊倫雅誥方在今佇見舒綵
翩翩飛鳳歸林

和兵部李尚書東亭詩

三接履聲退東亭斯曠然風流披鶴氅操割佩
龍泉雲卷巖巘疊雨餘松挂鮮豈煩禽尚遊所

貴天理全

和司門殷員外早秋省中書直夜寄荆

南衛象端公

共嗟玉粲滯荊州才子為郎憶舊遊涼夜偏宜
粉署直清言遠待玉人酌風生北渚烟波闊露
下南宮星漢秋早晚得為同舍侶知君兩地結
離憂

酬陸三十二叅浙東見寄

驄馬別已久鯉魚來自烹慇懃故人意悃悵中

林情茫茫重江外杳杳一枝瓊搔首望良覲爲
君華髮生

奉酬張監閣老雪後過中書見贈加兩
韻簡南省僚舊

寓直久叨榮新恩倍若驚風清五夜永節換一
陽生潘鬢年空長齊竽藝本輕常時望連茹今
日剝懸旌枉步歡方接含毫思又榮煩君白雪
句歲晏若爲情

酬主客仲貞外見賀正除

五年承乏奉如綸才薄那堪侍從臣禁署獨
清漏曉命書慙對紫泥新周班每喜簪裾接郢
曲偏宜諷詠頻憶昔曲臺嘗議禮見君論著最
相親

奉和太府韋卿閣老左藏庫中假山之
作

春山仙掌百花開九棘腰金有上才忽向庭中
摹極極如從洞裏見昭回小松已負于霄狀片
石皆疑縮地來都內今朝似方外仍傳麗曲寄

雲臺

奉和崔評事寄外甥劉同州并呈杜賓
客許給事王侍郎昆弟楊少尹李侍
御并見寄之作

芳訊來江湖開緘粲瑤碧詩因乘黃贈才擅雕
龍格深陳名教本諒以仁義積藻思成采章雅
音聞皦繹清時左馮翊貴士二千石前日應星
文今茲啟華戟謝公嘗乞墅音甯氏終相宅
往歲疲草玄忘年齊舉白酒酣吟更苦夜艾談

方劇棗巷風雨秋石頭烟水夕多逢長者轍不
屑諸公辟酷似仰牢之雄詞挹亭伯老驥念千
里飢鷹舒六翮巨能捨郊扉來偶朝中客

和職方殷郎中留滯江漢初至南宮呈
諸公并見寄

十歲別文昌藩符寄武當師貞上介辟恩擢正
貲郎藻思烟霞麗歸軒印綬光須佐山南還希
馬輦問莫自歎馮唐

奉酬從兄南仲見示十九韻

晉季天下亂安丘佐關中德輝霽家謀侯籍推
時功簪纓盛西州清白傳素風逢時有舒卷繕
性無窮通吾兄挺奇資向晦道自充耕鑿汝山
下退然安困蒙詩成三百篇儒有一畝宮琴書
滿座右芝木生牆東麗藻粲相鮮晨輝艷芳藜
清光杳無際皓魄流霜空邦有賢諸侯主盟詞
律雄薦賢比文舉理郡邁文翁樓中賞不獨池
畔醉每同聖朝闢四門發跡貴名公小生何為
者往歲學雕蟲華簪映武弁一年被微躬開緘
捧新詩瓊玉寒青葱謬進空內訟結懷遠悵悵
時來無自疑刷翮摩蒼穹

酬崔千牛四郎早秋見寄

浩歌坐虛室庭樹生涼風碧雲滅奇彩白露委
芳叢感此時物變悠然遐想通偶來被簪組自
覺如池龍少年才藻新金鼎世業崇鳳文已虜
炳瓊樹何青葱聯鏡長安道接武承明宮君登
玉墀上我侍彤庭中疲病多內愧切磋常見同
起予覽新詩逸韻凌秋空相愛每不足因茲寓

深衷

酬靈徹上人以詩代書見寄

時在薦福寺坐夏

蓮花出水地無塵中有南宗了義人已取具多
翻半字還將陽燄論三身碧雲飛處詩偏麗白
月圓時信本真更喜開緘銷熱惱西方社裏舊
相親

酬蔡十二博士見寄四韻

蕪城十年別蓬轉居不定終歲白屋貧獨謠清
酒聖風塵韋帶減霜雪松心勁何以浣相思啓

元能盡性

君著周易啓元十卷

戲和三韻

墨翟突不黔范丹甌生塵君今復勞歌鶴髮吹
濕新前詔許真秩何如中軟輪

君貞元十一年以隱君拜命詔

書令州府給傳乘詣闕到日授正官

李十韶州寄途中絕句使者取報脩書
之際口號酬贈

詔下忽臨山水郡不妨從事恣攀登莫言向北
千行鴈別有圍南六月鵬

崔四郎協律以詩見寄兼惠蜀琴因以

酬贈

臨風結煩想客至傳好音白雪絨郢曲朱絃且
蜀琴泠泠響幽韻欵欵寄遐心晚歲何以報與
君期斷金

酬馮絳州早秋絳臺感懷見寄

良牧閑無事層臺思眇然六條榮印綬三晉辯
山川洗嬾謳謠合開襟眺聽偏秋光連大鹵霽
景下新田葉落徑庭樹人歸曲沃烟武符頌美

化玄字訪疑年經術推多識卿曹亦累遷齋祠
常並冕官品每差肩按部青絲騎裁詩白露天
知音愧相訪商洛正閑眠

酬趙尚書杏園花下醉後見寄

時為太常卿

春光深處曲江西八座風流信馬蹄鶴髮杏花
相映好羨君終日醉如泥

酬趙尚書城南看花日晚先歸見寄

杜城韋曲遍尋春處處繁花滿目新日暮歸鞍
不相待與君同是醉鄉人

權文公文集卷之二

權文公文集卷之三

雜詩

伏蒙十六叔寄示喜慶感懷三十韻因

獻之

受氏自有殷樹功緬前秦圭田接土宇候籍相

紛綸十二代祖前秦射安丘敬公事具十六國

鄜城公六代祖皇朝封平涼道義集天爵菁華

極人文握蘭中臺並折桂東堂春五代伯祖屯

叔祖水部負外郎府君同登省闈事具南宮故

君同以進士居甲利祖德蹈前哲家風播清芬

載在登科記之內也王父古羽林錄事帝君與帝文公建侯有善又與蘇司業源明包者作詩為文章之友唱酬往

復各有先公秉明義大節逢艱屯獨立挺忠孝

文集至誠感神人命書備追錫跡遠道不伸小生諒

無似積慶遭昌辰九年西掖忝五轉南宮頻角

理因曠職曲臺仍禮神愧非夔龍姿忽优克舜

君內惟負且乘徒以弱似仁豈足議大政所憂

玷彛倫叔父貞素復含章窮典墳百民若珠貫

九流皆翬分黃鍾蘊聲調白玉那緇磷清論坐

虛室長謠宜幅巾開關接人祠支榮無俗賓種

杏當暑熱烹茶含露新井徑交碧鮮軒窻棲白

雲飛沉禽魚樂芬馥蘭桂薰經術弘義訓息男

茂嘉聞筮仕就色養宴居忘食貧四方有翹車

上國有蒲輪行當反招隱豈得常退身秦吳路

杳杳朔海望沄沄侍坐馳夢寐結懷積昏昕發

函捧新詩慈誨情殷勸省躬日三復拜首書諸

紳
酬李二十二兄主簿馬跡山見寄并序

族內兄暢純靜而深直方而文與予同偶居丹陽丹陽郭北四十里所有馬跡山山有奇峯怪石且多昔賢真僊之所游踐方外士殷渙然通易經老嚴之旨居於山下從舅原均探異好古亦往來棲息其間貞元元年兄以典校秘書調補江陵松滋主簿以地遠不就職予以環衛冗秩罷漕輓從事且久家居食貧里巷相接其明年兄命駕遊此山予以疾故不克偕往既而猥辱鍾陵檄召兄自山中以詩一首見貽理精詞

達清滌心府復其文如至山下終篇則戲以出處之跡見誚故予復之於此章仍加六十字以就全數杳杳塵外想悠悠區中緣如何戰未勝曾是教所牽遠郊有靈峯夙昔栖真僊鸞聲去已久馬跡空依然丹崖轉初旭碧落凝秋煙松風共蕭颯蘿月想嬋娟內兄蘊遐心嘉遜性所便不能棲枳棘且復探雲泉中有宜寂人閑讀逍遙篇聯袂共支榮摠衣嘗絕編徐行石上苔靜韻風中絃烟霞濕儒服日月生寥天新詩來

起予璀璨六義全能盡含寫意轉今山水鮮若
聞笙鶴聲宛在耳目前登攀阻心賞愁疾空懷
賢出處豈異途心真即真筌暫從西府檄終臥
東菑田不嫌予步蹇但恐君行羶如能固曠懷
谷口期窮年

酬陸四十楚源春夜宿虎丘山對月寄

梁四敬之兼見貽之作

東風變薊薄時景日妍和更想千峯夜浩然幽
意多蕙香襲閑趾松露泫喬柯潭影漾霞月石

床封薜蘿夫君非歲時已負青冥姿龍虎一門
盛淵雲四海推駸駸步驟裊婉婉翥長離玄圃
盡瓊樹家林輕桂枝聲榮徒外獎恬淡方自適
逸氣凌顥清仁祠訪金碧芊蕪瑤草秀斷續雲
竇滴芳訊發幽絨新詩比良覲故人石渠署美
價滿中朝落落杉松直芬芬蘭社飄雄詞鼓溟
海曠度豁烟霄營道幸同術論心皆後凋循環
伐木詠緬邈招隱情慙茲擁腫才愛彼潺湲清
拘牽尚多故夢想何由并終結方外期不待華

髮生

酬穆七侍郎早登使院西樓感懷

耿耿宵欲半振衣庭戶前浩歌撫長劍臨風泛
清絃晴霜麗寒蕪微月露碧鮮杉梧韻幽籟河
漢明秋天良夜雖可翫沉憂逾浩然樓中遲啓
明林際揮宿烟晨風響鐘鼓曙色映山川滔滔
天江駛杲杲朝日懸困窮西南永得見天地全
動植相糾紛車從競喧闐鱸鮪躍洪流麇麇倚
荒阡噫噫白雲鴈嘒嘒清露蟬一氣鼓萬殊晦

明相推遷義和無停鞅不得常少年當令志氣
神及此鬢髮玄豈唯十六族今古稱其賢夫君
才氣雄振藻何翩翩詩輕沈隱侯賦擬王仲宣
小鳥捨榆枋大鵬激三千與君期晚歲方結林
棲緣

奉和李大夫題鄭評事江樓

達士無外累隱几依南郭茅棟上江開布帆當
砌落支頤散華髮歌枕曝靈藥入鳥不亂行觀
魚還自樂何時金馬詔早歲建安作往事盡筌

蹄虛懷寄杯杓邦君駐千騎清論時間酌憑檻
出煙埃振衣向寥廓心源齊彼是人境勝巖壑
何必栖冥冥然為避增繖

春遊茅山酬杜評事見寄

喜得賞心處春山豈計程連溪芳草合半嶺白
雲晴絕澗漱冰碧仙壇挹顥清懷君在人境不
共此時情

和韓侍御白髮

白髮今朝見虛齋曉鏡清乍分霜簡色微映鐵

冠生幕下多能事周行挹令名流年未可歎正
遇太階平

和邵端公醉後寄于諫議之作

莫羨簷前柳春風獨早歸陽和次第發桃李更
芳菲

和李大夫西山祈雨因感張曲江故事

十韻

亞相冠貂蟬分憂統十聯火星當永日雲漢倬
炎天齋禱期靈貺精誠契昔賢中宵出騶馭清

夜旅牲牲觸石看初起隨車應物先雷音生絕
巘雨足晦平阡瀟洒四溟合空濛萬頃連歌謠
誼澤國稼穡遍原田故事三台盛新文六義全
作霖應自此天下待豐年

同陸太祝鴻漸崔法曹載華見蕭侍御
留後說得衛撫州報推事使張侍御
却迴前刺史戴貧外無事喜而有作

三首

專城書素至留臺忽報張網攬轡迴共看昨日

蠅飛處併是今朝鵲喜來

鶴髮州民擁使車人人自說受恩初如今天下
無冤氣乞為邦君雪謗書

衆人哺啜喜君醒渭水由來不雜涇遮莫雪霜
撩亂下松枝竹葉自青青

荅韋秀才寄一首

中峯雲暗雨霏霏水漲花塘未得歸。心憶瓊枝
望不見幾迴虛濕薜蘿衣。

戶部王曹長楊考功崔刑部二院長並

同鍾陵使府之舊因以寄贈又部郎
署喜甚常僚因書所懷且敘所知

忽驚西江侶共作南宮郎宿昔芝蘭室今茲駕
鷺行子猷美風味左戶推公器含毫白雪飛出
匣青萍利子雲嘗燕居作賦似相如閑成考課
奏別貢賢良書子玉諒貞實持刑慎丹筆秋天
鴻鵠姿晚歲松筠質伊予誠薄才何幸復趨陪
偶來塵右掖空此憶中臺時節東流駛悲歡追
往事待月登庾樓排雲上蕭寺盍簪蓮府讌洛

帽龍沙醉極浦送風帆靈山眺烟翠解頰通善
謔喻指窮精義榻管或飛章分曹時案吏雨散
與蓬飄秦吳兩寂寥方期全擁腫豈望躡扶搖
夜直分三署晨趨共九霄外廷時接武廣陌更
連鑣北極星辰拱南薰氣序調欣隨衆君子並
立聖明朝

貢院對雪以絕句代八行奉寄崔閣老
寓宿春闈歲欲除嚴風密雪絕雙魚思君獨步
西垣裏日日含香草詔書

初秋月夜中書宿直因呈楊閣老

歌枕直廬暇風蟬迎早秋沉沉玉堂夕皎皎金
波流對掌喜新命分曹諧舊遊相思翫華彩因
感庾公樓

唐開州文編遠寄新賦累惠良藥咏嘆

仰佩不覺斐然走筆代書聊書還答
風雨竦庭柯端憂坐空堂多病時節換所思道
理長故人朱兩轡出自尚書郎下車今幾時理
行遠芬芳瓊瑩覽良訊菜菔滿素囊結根在貴

州蠲疾傳古方探擷當五月慇懃逾八行深情
婉如此善祝何可忘復有金玉音煥如龍鳳章
一間靈洞說若覩羣仙翔三清飛慶霄百太成
雄鋳體物信無對洒心願相將昔年同旅食終
日窺文房春風靴燕城秋水渡柳楊君為太史
氏弱質羈楚鄉今來忝司諫千騎遙相望歸雲
夕鱗鱗圓晷夜蒼蒼遠思結鈴閣何人交羽觴
佇見徵潁川無為薄淮陽政成看再入列侍爐
烟傍

待漏假寐夢歸江東舊居

十年江浦臥郊園。開夜分明結夢魂。舍下烟蘿
通古寺。湖中雲雨到前軒。南宗長老知心法。東
郭先生識化源。覺後忽聞清漏曉。又隨簪佩入
君門。

祇命赴京途次淮口因書所懷

弱植素寡偶。趨時非所任。感恩再登龍。求友皆
斷金。彪炳覩竒采。淒鏘聞雅音。適欣佳期接。遽
歎離思侵。靡靡遵遠道。忡忡勞寸心。離成獨酌
謔。空奏伐木吟。次寥清冬時。蕭索白晝陰。交歡
諒如昨。滯念紛在今。因風試矯翼。倦飛會歸林。
向晚清淮駛。回首楚雲深。

省中春晚忽憶江南舊居戲書所懷因

寄兩浙親故雜言

前年冠解多戎府。隨賓介去年簪。進賢贊導法
宮前。今茲戴武弁。謬列金門彥。問我何所能。頭
冠忽三變。野性慣踈閑。晨趨興暮還。花時限清
禁。霽後愛南山。晚景支頤對。樽酒舊遊憶。在江

湖久庾樓柳寺共開襟
楓岸烟塘幾攜手結廬
常占練湖春猶寄黎床
與幅巾疲羸只欲思三
徑慙直那堪備七人更
想東南多竹箭玄圃琅
玕共葱蒨裁書且附雙
鯉魚偏恨相思未相見
寄李衡州時所居即衡州宅
片石叢花盡不如庇身
三逕豈吾廬主人千騎
東方遠唯望衡陽鴈足
書

寄臨海郡崔穉璋

美酒步兵厨古人嘗官
遊赤城臨海嶠君子今

督郵吏隱豐暇日琴壺
共冥搜新詩寒玉韻曠
思孤雲秋志士誠勇退
鄙夫自苞羞終當就知
已莫戀潺湲流

李韶州著書常論釋氏之理貴州有能

公遺跡詩以問之

常日區中暇時聞象外
言曹溪有宗旨一為勘
心源

馬上贈虛公

馬足早塵深飄纓又滿
襟吾師有甘露為洗此

時心

郴州換印緘遣之際率成三韻因寄李

二兄負外使君

緘題桂陽印持寄朗陵兄刺舉官猶屈風謠政
已成行看換龜組奏最謁承明

早發杭州泛富春江寄陸三十一公佐
候曉起徒馭春江多好風白波連青雲蕩漾晨
光中四望浩無際沉憂將此同未離奔走途但
恐成悲翁俯見觸餌鱗仰目凌霄鴻纓塵日已

厚心累何時空區區此人世所向皆樊籠唯應
杯中物醒醉為窮通故人玄圃姿瓊樹紛青葱
終當此山去共結蘭桂藂

寄侍御從舅

初免職
歸山東

靡靡南軒蕙迎風轉芳滋落落幽澗松百尺無
附枝世物自多故達人心不羈偶陳幕中畫未
負林間期感恩從慰薦循性難繫維野鶴無俗
質孤雲多異姿清泠松露泫照灼巖花遲終當
稅塵駕來就東山嬉

湖上晚眺呈惠上人

湖上煙景好，鳥飛雲自還。幸因居上近，日覺性
情閑。獨酌乍臨水，清機常見山。此時何所憶，淨
侶話玄關。

新秋月夜寄故人

客心宜靜夜，月色澹新秋。影落三湘水，詩傳八
詠樓。何窮對酒望，幾處捲簾愁。若問相思意，隨
君萬里遊。

自揚子歸丹陽初遂閑居聊呈惠公

移疾喜無事，卷簾松竹寒。稍知名是累，日與
相歡。寒淺逢機少，迂踈應物難。只思閑夜月，共
向沃州看。

月夜過靈徹上人房因贈

此身會逐白雲去，未洗塵纓還自傷。今夜幸逢
清淨境，滿庭秋月對支郎。

戲贈張練師

月帔飄飄摘杏花，相邀洞口勸流霞。乍酣乍奏
雲和曲，疑是龜山阿母家。

戲贈天竺靈隱二寺寺主

石路泉流兩寺分尋常鐘磬隔山聞山僧半在
中峯住共占青巒與白雲

贈廣通上人

身隨猿鳥在深山早有詩名到世間客至上
方留盥漱龍泓洞水晝潺潺

贈老將

白草黃雲塞上秋曾隨驃騎出并州
鞭轡劍折虬鬚白轉戰功多獨不侯

戲贈表兄崔秀才

何事年年戀隱倫成名須遣及青春
明時早獻甘泉去若待公車却悞人

醉後戲贈蘇九倫

蘇常好讀元魯山文時
或勸入閑者故戲及文

白首書窓成鉅儒不知簪組遍屠沽
勸君莫問長安路且讀魯山于薦于

書名	權文公集		
冊數	2	版別	紙
議價	60-		
編號	北字第2084號		

北京市圖書出版業同業公會印製

權文公文集卷之三

權文公文集卷三

正